

Saradnja sa Albanijom Restauracijski kamp u Gjirokastru

Zajedno sa Švedskom asocijacijom za očuvanje objekata i sa Zavodom za zaštitu spomenika u Tirani, Kulturno nasljeđe bez granica, regionalna kancelarija u Sarajevu je realizirala restauracijski kamp u Gjirokastru, u Albaniji od 16-29 septembra 2007. godine. U kampu je sudjelovalo 16 učesnika iz zapadno balkanske rgije, uključujući Albaniju, Bosnu i Hercegovinu, Hrvatsku, Kosovo, Makedoniju i Srbiju. Dvije glavne lokacije kampa su bile Zkate kuća i Bazar. Konsultanti kampa su bili Nihad Čengić, konzervator iz BiH, i Calle von Essen iz Švedske asocijacije za očuvanje objekata.

Radovi u Zekate kući su bili podijeljeni u četiri glavne grupe: 1. drvni radovi (pripremi i drvni radovi); 2. radovi na malteru (popunjavanje pukotina); 3. vegetacija u dvorištu kuće (čišćenje i tretiranje vegetacije); 4. rad na instalacijama.

U zgradi Bazara učesnici su radili na konzervaciji starog, postojećeg maltera na zidovima, rekonstrukciji istog na mjestima gdje je nedostajao, te na rekonstrukciji drvenog okvira prozora i vrata, te kapaka.

Nakon završetka radova, CHwB je zajedno sa svojim partnerima podijelio zahvalnice svojim vrijednim učesnicima.



Saradnja sa Crnom Gorom

Nakon uspješno realiziranog regionalnog seminara/radionice "Izrada programa održavanja i postojeći zanati potrebni za održavanje historijskih objekata", koji je održan u Kotoru u Crnoj Gori od 29. - 30. maja 2007. godine, CHwB zajedno sa nvo EXPEDITIO radi na publikaciji, koja će sadržavati slijedeće:

- sažetke prezentacija održanih za vrijeme seminara,
- predstavljanje Programa i planova održavanja,

Uz publikaciju će biti "zakačen" Praktični uvez za Program održavanja, uključujući i planove održavanja, no isti će se vrlo lagano moći "otkačiti" te iskoristiti na praktičan način.

Saradnja sa Srbijom

- Saradnja sa Republičkim zavodom za zaštitu spomenika
Nakon kompletiranja potrebne dokumentacije za točan i korektan restauracijski projekat, CHwB je potpisao ugovor sa Republičkim zavodom za zaštitu spomenika za izvršenje radova. Kako je ugovor potpisan sa zakasnjem krajem avgusta 2007. godine, odlučili smo odratiti pripreme radove ove godine (kupovina greda za krovove, priprema šindre), a samu restauraciju početkom proljeća 2008. godine.

- Saradnja sa nevladinom organizacijom ARCH

CHwB je učestvovao na radionici u Senju u Srbiji, koja je bila rezultat saradnje CHwB-a, nvo-a ARCH i Ministarstva culture Srbije. Radionica je rezultirala slijedećim koracima: formiranje odbora (volontera) za realizaciju Eko-muzeja Senjski rudnik; pokretanje konsenzusa unutar potencijalnih interesnih grupa; postavljanje oznaka unutar turističkih tura i staza; bolji status s obzirom na pravnu zaštitu; zaštita Aleksandrovog potkopa od urušavanja; obnova zgrade; obnova mreže opskrbe vodom; instalacija digitalne telefonske centrale.

Predložene aktivnost će nam poslužiti kao baza za popunjavanje zahtjeva pri Sida-i, a u sklopu bilateralne saradnje sa Srbijom.





Saradnja regionalnih nevladinih organizacija
Posljednji sastanak South East European Heritage mreže je održan u Makedoniji od 02. – 04. jula u organizaciji makedonskog partnera NVO-a Fosim. Na sastanku se raspravljalo o sljedećim temama: kako spriječiti "lošu upotrebu" nasljeđa u političke, ideološke i druge svrhe, zajednička projektna dokumentacija kao temelj za zajedničke projekte između NVO-a, te proširenje mreže sa novim članovima. Sastanak je poslužio kao nastavak jačanja statusa mreže, kroz konačni dogovor oko Vizije i Misije mreže, te postavljanja kriterija u pristupnoj aplikaciji za nove članove. Na sastanku su također definisani kriteriji Članstva, te su potpisani od strane svih prisutnih nvo-a, a koje će morati potpisati i svi budući članovi mreže. Dogovoreno je da se sljedeći sastanak održi početkom februara 2008. godine. Sastanak će biti organiziran od strane nevladine organizacije EXPEDITIO iz Crne Gore, a financiran od strane Soroša, projekta East-East.

Aktivnosti vezane za prikupljanje sredstava - Culture 2007 Programme

CHwB je aplicirao zajedno sa Transylvania Trust-om iz Rumunije, Fondacijom za zaštitu Dubrovnika iz Hrvatske, Nacionalnim uredom za kulturno nasljeđe iz Mađarske i Butrint fondacijom iz UK (koja djeluje u Albaiji) za sredstva iz Programa Kulture 2007. Glavni cilj ovog programa je: promocija kulturnog razumijevanja, te pomirba na području jugo-istočne Evrope kroz mehanizam obnove kulturnog nasljeđa; proslava različitosti kulturnog nasljeđa kroz jake među-granične interakcije; ohrabivanje međukulturnog dijaloga i promocija međudržavne pokretljivosti unutar sektora kul.nasljeđa; omogućavanje međunarodne saradnje i razmjene znanja, te stručnjaka; stvaranje mreže stručnjaka na području jugo-istočne Evrope.



1	2
3	4
5	6

BiH aktivnosti

- Evaluacija aktivnosti CHwB-a u BiH
- Gdin Kälve mark planira posjetiti Bosnu i Hercegovinu (BiH) o periodu od 12-18 novembra 2007. godine. Za vrijeme boravka u BiH gđin Kälve mark će se sastati sa našim lokalnim partnerima, sa švedskim ambasadorom u BiH, te sa predstavnicima Sida-e. Nadamo se da će održani sastanci i diskusije doprinijeti boljoj procjeni aktivnosti CHwB-a u BiH.
- Izvješća o CHwB projektima u BiH
- U toku je finalizacija izrade izvješća. CHwB je dobila sve pisane materijale od odgovornih arhitekata iz Federalnog zavoda za zaštitu spomenika u Sarajevu. Ovo izvješće je zajednički projekat CHwB-a i Federalnog zavoda.
- BiH kurs na temu razvoja planova održavanja
- Kako bi obilježili završetak seminara na temu razvoja Programa i planova održavanja, koji je počeo u proljeće 2006. godine, kancelarija je odlučila napraviti zaključak, na način da je poslala Praktični uvez svim partnerima koji su bili uključeni u seminar. Praktični uvez se sastoji od različitih poglavlja u koja će umetati sva potrebna dokumentacija vezana za objekat za koji se izrađuje Program održavanja (informacije o objektu, istorija, nacrti, skice, opisi materijala, podaci o izvođačima, arhitektama ite.). Praktični uvez bi trebao biti od velike koristi korisnicima i vlasnicima objekata u slučaju pojavljivanja problema.

Ovaj izvještaj predstavlja pregled svih aktivnosti koje CHwB regionalna kancelarija provodi u Bosni i Hercegovini i na području Zapadnog Balkana.

Rad CHwB je financiran od strane Sida-e, Švedske međunarodne agencije za razvoj i saradnju.



KONTAKTIRAJTE NAS

Kulturno nasljeđe bez granica (CHwB)
Alipašina 7/ II, 71000 Sarajevo, Bosna i Hercegovina
Tel/fax +387 (0) 33 55 23 76

Regionalni koordinator, Lejla Hadžić, lejla.hadzic@chwb.org
Tehnički i admin. asistent, Ivana Lušić, ivana.lusic@chwb.org